

*"Pagtawag Kang Jesus Diha Sa Atong  
Dinalian Nga Panginahanglan!"*

**Semana 7 - 100 ka Adlaw sa Pag-ampo**

**Mayo 8 - 14, 2020**

**"Ang Labing Maayo Nga Pagabatnan"**

Ni Ron Clouzet

Niadtong 2001, hapit ko mamatay. Ang doktor sa emerhensiya nag-ingon nga tingali mga tulo ka oras nalang ko gikan sa kamatayon. Natakbuyan ako og *falciparum malaria* samtang nagwali kauban sa akong mga estudyante didto sa Kasadpang Africa, ug ang mga sintomas nagpadayag pipila ka adlaw gikan sa akong pag-abot sa Estados Unidos. Taas kaayo akong hilanat, naughan na ako, ug sakit kaayo akong ulo. Luya kaayo ako nga naghunahuna ako nga makuyapan ug mamatay na. Sa pagpadayag sa mga sintomas, may lakaw ako nga giatiman alang sa iglesia. Misayo ako ngadto sa erport aron maabtan ko ang akong byahe sa eroplano, nagahangyo sa Dios nga tugotan ako nga makauli alang kon unsay mahitabo sa sunod. Kon mamatay ako, gusto nako didto sa akong puloy-anan.

Gidala ako pagdali ngadto sa lawak emerhensiya sa tambalanan. Gikan niadto, lain na akong panan-aw, ug dili makainom nga dili makasuka. Nakuyapan ako sa makadiyot human ako gidala ngadto sa lawak emerhensiya. Sa dihang nakahimungawong na ako, nahinumduman nako nga ang kinabuhi hilabihan ka hinay. Ang matag minuto daw sama sa usa ka oras, ug ang matag oras sama sa usa ka adlaw. Nahinumduman ko ang akong asawa, si Lisa, nagadala sa among mga kabataan, nga mga 14, 12, ug 10 anyos pa lang, ug nakakita kanila nga nanagbakho. Nakahinumdum pa ako sa mga nars ug uban pa nga nag-atiman kanako tungod ug alang lang sa pasyente nga may malaria, tungod ang maong sakit talagsa lamang sa Estados Unidos.

Klaro na kaayo alang kanako nga ako tikamatay. Human niadto, nakat-onan nako nga kini nga matang sa malaria maoy labing makamatay sa tanan. Mopatay gyud kini nimo, kon mabuhi ka niini, dili ka makitaan og mga sintomas gawas kon matakdan ka pag-usab. Daghang katawhan misugod sa pag-ampo. Ang akong asawa ug akong kabataan nag-ampo. Mga ginikanan ug ubang sakop sa panimalay nag-ampo. Among mga kaubanan sa trabaho sa Southern Adventist University diin ako nagtudlo nag-ampo. Akong mga estudyante gikan sa daghang dapit sa kalibutan nag-ampo. Ug ang dili maihap nga kadaghanon sa mga pastor tadlas sa nasud nag-ampo. Gikwenta-kwenta nako nga tingali mokabat sa 2,000 ka katawhan ang nag-ampo alang kanako atol niadtong mga adlaw.

Pero ang pagpakaayo niini dili sayon. Walay nagakaigo nga tambal. Ang mga higala nga medikong doktor nasiging-siging sa mga doktor sa tambalanan sa pagpadali samtang dili pa ulahi ang tanan. Sa kataposan, nakakaplag og quinine didto sa Atlanta, ug nakakuha sila og

pipila. Ang quinine usa ka karaang tambal nga gigamit sa pagtambal sa malaria ug uban pang grabe nga mga sakit, pero talagsa nalang ginagamit karon. Kini makamatay kaayo ug adunay makuyaw nga mga epekto. Apan kini moayo sa malaria. Kwarantay-otso ka oras gikan ako gidala sa tambalanan, gihatagan ako og quinine, apan wala kini nagbunga sa gidahom nga milagro. Paglabay sa usa ka adlaw, sa Sabado, masakiton ra gihapon ako.

Sa nagkahugo, masakiton ko nga kahimtang, ako usab nag-ampo. Apan ang akong pag-ampo mas daghang pasalamat kay sa pangalyupo. Gitugyan ko na ang akong kinabuhi ngadto sa mga kamot sa Dios ug andam na ako sa pagpanamilit kon kini panahon na sa akong pagtaliwan. Ang bugtong kong pagbasol, diin usab maoy akong giampo, mao nga biyaan ko ang akong asawa nga may tulo ka mga anak nga buhion, ug mabiyaan sila nga walay amahan. Apan kana, usab, anaa na sa mga kamot sa Dios. Nabatnan ko ang kalinaw nga maayo na ang tanan.

Sa Sabado sa hapon, pipila sa mga kaubanan sa unibersidad ug sa akong iglesia miduaw. Sila naghimog pagdihog kanako ug nag-ampo nasab alang kanako, sumala sa Kasulatan (Santiago 5:13-15). Niadtong gabhiona, si Lisa nagpabilin kanako sa tibuok gabii. Nahadlok gayud siya pag-ayo basi mao na kadto ang akong kataposan.

Sa may alas 5:00 pagkasunod buntag, may nars nga mikuha kanakog dugo, sigon nga kini ilang ginabuhat kanako kada buntag. Upat ka oras gikan niadto, ang espesyalista miduaw sa akong lawak. Sa unang higayon nakalingkod na ako. Siya nag-ingon kanako nga dili sila makakaplag ni bisan usa ka subay sa malaria diha sa akong lawas. Sa bisan unsang paagi, tanan kini nawala. Siya nagpahayag og kakurat nga ang tambal mingsalir pag-ayo, dali kaayo. Apan nahibalo ako nga may laing rason nganong nalibre ako sa malaria. Kadto mao ang mga pag-ampo sa akong mga hinigugma, ako nagatuo, sa yano tungod ang Iyang katawhan maoy naghangyo Kaniya.

“Ang susama nga maloloy-ong Manluluwas buhi karon, ug Siya ingon ka mawilihon sa pagpamati sa pag-ampo sa pagtoo sama sa naglakaw pa Siya sa dayag taliwala sa katawhan. . . Kabahin kini sa plano sa Dios sa paghatag kanato, diha sa tubag ngadto sa pag-ampo sa pagtoo, nga diin dili Niya ipahat kon wala pa unta kita nangalyupo.” (Gret Controversay, p. 525) Si Jesus wala manginahanglan nga ayohon ako. Wala Siya nakautang kanako. Ako nakautang Kaniya sa tanan, ug sa gihapon hangtud karon. Apan gibuhat gihapon Niya kini.

Dili tanang makamatay nga sakit susama og kapaingnan. Apan ang Dios nga nagaayo susama ra, bisan unsa pa. Siya masaligan. Siya mapasalamatan bisan asa sa duha, kay dili gayud Siya motubag sa atong mga pag-ampo diha sa usa ka paagi nga mamahimong makadaot sa atong mga kalag. Bisan unsa pay atong madawat gikan Kaniya mao ang labing maayo nga angay natong pagabatnan.

*Si Ron E. M. Clouzet, Dmin, mao ang Ministerial Secretary sa Northern Asia-Pacific Division. Si Ron usab mao ang magsusulat sa gipasundayag nga libro ning semanaha, ang "Adventism's Greatest Need: The Outpouring of the Holy Spirit."*

**MGA PANGUTANA SA KASINGKASING:** Nagatuo ba ikaw nga ang Dios makaayo sa tanang matang sa sakit, lakip ug hilabina ang inpeksyon sa sala? Ang imong kinabuhi ba husto alang sa Dios karon? Malinawon ka ba kauban Kaniya niining gutloa?

**AKTIBONG HAGIT SA KASINGKASING:** Ang sakit kabahin niining nakay-ag nga kalibutan. Walay hilwas gikan niini. Apan kita adunay usa ka pagpili unsaon nato sa pagsagubang tadlas niini. Kita makanunot ni Jesus sa mga panahon sa labing hinanali nga panginahanglanon, nagaampo alang sa espiritohanon ug lawasnon nga kaayohan, ug kita makasiguro nga bisan unsa pay sangpotanan sa sakit, basta kita magatutok Kaniya, kita magmalinawon. Ang pagbaton og usa ka kusgan nga pagtoo sa mga panahon sa kasakit nagasugod pinaagi sa pagbansay sa pagtoo diha sa mga panahon sa kapiskay. Pilion ba nimo ang pagbaton og pagtoo diha Kaniya karon? Mawilihon ka ba sa pagdawat, bisan ang kamatayon, nanghibalo nga sa kataposan tanang mga sakit pagaayohon panahon sa buntag sa pagpamanhaw alang niadtong mga nanagtuo?

*"Ang atong Ginoong Jesu-Cristo mianho ning kalibutana sama sa way-kakapoy nga sulugoon sa panginahanglanon sa tawo. Siya 'nagkuha sa atong mga kaluya, ug nagpas-an sa atong mga sakit,' aron Siya makaministryo alang sa matag panginahanglanon sa tibuok katawhan. Ang lulan sa sakit ug kaalaot ug sala Siya mianhi aron sa pagkuha. Kini maoy Iyang tahas sa pagdala sa katawhan og hingpit nga pagpahibalik; Siya mianhi sa paghatag kanilang kapiskay sa panglawas ug kalinaw ug kahingpitan sa batasan." – Ministry of Healing, p.17*

### **Mas Palaluman - Mga Dugang nga Sugyot sa Pagbasa alang ning semanaha**

- Ellen White, *Ministry of Healing*, chapter 16, "Prayer for the Sick"
- Ron Clouzet, *Adventism's Greatest Need: The Outpouring of the Holy Spirit*



## **Adlaw 43 – Tutok Sa Pag-ampo – Biernes, Mayo 8, 2020**

### **TAHO SA PAGDAYEG:**

- Brittney ug Vanessa B.: "Nagsugod ang among iglesia og tigum sa onlin matag gabii sa pag-ampo. Kini mas nakapasuod sa matag usa sukad kami nagkit-anay sa matag usa kada adlaw. Daw unsa ka panalangin!"
- Mico F.: "Kini nga kahimtang nakatabang kanamo sa pagkaamgo nga ang iglesia dili usa ka gambalay, kini diay katawhan!"

### **MGA HANGYO SA PAG-AMPO:**

- Iampo ang mga iglesia nga nawad-an og mga sakop tungod sa COVID-19.
- Iampo ang mga membro nga nakigbisog sa mga nagkadaiyang mga sakit sama sa kanser, lupos, sakit sa utok ug uban pa.

- Iampo ang mga kanhi membro nga Adventista nga namiya sa iglesia. Iampo ang katawhan diha sa ilang kalikopan sa impluwensya nga napahilayo sa Dios tungod niini.
- Iampo ang mga bag-ong membro nga nagpasakop sa iglesia pinaagi sa mga nagkadaiya nga mga wali nga TMI sa mga nangaging katuigan.



## **Day 44 – Tutok Sa Pag-ampo - Sabado, Mayo 9, 2020**

### **Ang Kahibalo kang Jesus**

*“Ug ang kinabuhing dayon mao kini, ang ilang pagpakaila kanimo nga mao ang bugtong tinuod nga Dios, ug kang Jesu-Cristo nga imong pinadala.” – Juan 17:3*

“Si Cristo mianhi sa pagpadayag sa Dios ngadto sa kalibutan ingon nga usa ka Dios sa gugma, puno sa kalooy, kalumo, ug pagpakabana. Ang mabaga nga kangitngit nga gipaningkamotan ni Satanas sa pagputos sa trono sa Pagka-Dios gipapha palayo sa Manunubos sa kalibutan, ug ang Amahan usab nagpadayag ngadto sa katawhan ingon nga ang kahayag sa kinabuhi. – 5T 738.4

#### **HEART QUESTIONS:**

Eternal life is not just simply about living forever, but eternal life is the continual deepening of your love relationship with God. Do you mostly know facts *about* Jesus, or do you *know* Him personally as your Savior and Friend?

Why not start eternity today by asking Jesus to reveal Himself on a deeper level to you, as you spend time in prayer, the Bible and in sharing His love and truth with others?

#### **MGA PANGUTANA SA KASINGKASING:**

Ang dayong kinabuhi dili lang sa yano mahitungod sa pagpuyo sa walay katapusan, kondili ang dayong kinabuhi mao ang padayon nga pagpalalum sa imong gugmang kadugtongan sa Dios. Nahibalo ka ba sa kasagaran sa m ,

#### **TAHO SA PAGDAYEG:**

- Thierry T.: “Akong ginapahat ang ‘100 ka Adlaw sa Pag-ampo’ sa 90 nako ka mga higala. Nakapahat sab ko sa libro nga ‘Dkung Away’ ngadto sa daghan sa akong mga higala. Usa ka dili-Adventista naghangyo kanako sa pagtuon sa mga tagna sa Daniel ug Pinadayag kauban niya.”
- Gloria D.: “Ang Dios nagpanalangin kanamo sa pagpadagan sa programa sa pagpangkatag-katag sa pagkaon bisan niini nga pandemia.”

#### **MGA HANGYO SA PAG-AMPO:**

- Iampo ang mga membro palibot sa kalibutan nga nagasugod o nagpamalakad sa mga Life Hope Centers of Influence.
- Iampo ang katawhan didto sa mga isla sa Fiji ug Vanuatu nga nangaapektohan sa labing bag-o nga bagyo.
- Iampo ang atong mga institusyon sa edukasyon palibot sa kalibutan. Iampo nga sila makakaplag og mga paagi sa pagsangkap og Cristohanong edukasyon pinaagi sa online nga mga klase ug uban pang metodo. Iampo nga sila makapadayon nga

mamahimong usa ka positibong impluwensya ngadto sa mga estudyante, ug makapabilin nga lig-on ang ilang paninapi.



## **Adlaw 45 – Tutok sa Pag-ampo - Domingo, Mayo 10, 2020**

### **Ang Ministeryo ni Jesus**

*“Busa, sanglit aduna man kitay dakung labawng sacerdote nga nakalatas sa kalangitan, si Jesus, ang Anak sa Dios, pangusgan ta pagkupot ang atong tinoohan. Kay ang atong labawng sacerdote dili siya usa nga dili arang mobati sa pagkalooy kanato sa atong mga kaluyahon, hinonoa usa siya nga sa tanang paagi gitintal ingon kanato, hinoon wala makasala. Sa ingon niana, uban sa pagsalig manuol kita sa trono sa grasya, aron makadawat kitag kaluoy ug makakaplag kitag grasya nga makatabang kanato sa panahon sa pagpanginahanglan.” – Hebreohanon 4:14-16*

*“Ang Anak sa Dios ... nakatuman sa Iyang panumpa, ug mingkayab ngadto sa mga langit, sa pagkuha alang Kaniya sa pangagamhanan sa langitnong panon. Gituman Niya ang usa ka hut-ong sa Iyang pagkasacerdote pinaagi sa pagpakamatay didto sa krus alang sa nahulog nga kaliwatan. Siya karon nagatuman sa lain nga hut-ong pinaagi sa pagpangalyupo atubangan sa Amahan sa kaso sa mahinulsulon, matinuohon nga makasasala, nagapresentar sa Dios sa mga halad sa Iyang katawhan. Ingon nga nagsul-ob sa tawhanong kinaiyahan, ug diha niini nga kinaiyahan ingon nga nakabuntog sa mga tentasyon sa kaaway, ug nagahupot sa diosnong kahingpitan, Kaniya gisangon ang paghukom sa kalibutan. Ang kaso sa matag usa pagabalik-tan-awon atubangan Kaniya. Siya mohilwas og paghukom, nagahimo ngadto sa matag tawo pinasikad sa iyang mga binuhatan.” – Manuscript 42, 1901*

#### **MGA PANGUTANAN SA KASINGKASING:**

Si Jesus nahimong tawo, namatay, ug nabanhaw, ug karon atua nagatindog diha sa langitnong sanctwaryo ingon nga usa ka representante sa tanan nga nanagtugyan sa ilang mga kinabuhi ngadto Kaniya. Inig ampo nimo, Siya nagapamati. Inig pangita nimo og kapasayloan lang sa mga sala, ug kadaugan, Siya mamati kanimo ug mosangkap dayon sa gahum nga gikinahanglan sa pagbuntog.

Samtang kita magkinabuhi diha sa kahayag sa paghukom, gihimo mo ba si Jesus, ang maloloy-ong Labawng Sacerdote, ang imong Manlalaban (1 Juan 2:1)? Nakadangop ka ba diha sa Iyang pagkamatarung? Tugotan ba nimo Siya dili lamang sa pagtabon kanimo diha sa Iyang pagkamatarung, kondili usab sa pagpuno kanimo sa Iyang pagkamatarung pinaagi sa pagbuhat sa mga buhat nga Iyang giandam alang kanimo (Efeso 2:10)?

#### **TAHO SA PAGDAYEG:**

- Sheril M.: “Nagpasalamat ako sa Dios! Ang ‘100 ka Adlaw sa Pag-ampo’ nakapakusgan sa akong pagtoo niining malisud nga panahon.”
- Rose S.: “Tungod niini nga pandemia ang among ‘Power of Prayer Chat Group’ nahimong mas buhi sigon kami mas may panahon sa pag-ampo sa hiniusa pinaagi sa online, ka 5 ngadto sa 6 ka beses kada adlaw!”

### **MGA HANGYO SA PAG-AMPO:**

- Iampo ang mga katawhan nga walay pinuy-anan diha sa tanang mga rehiyon sa kalibutan nga nanagsandig sa mas daku nga populasyon alang sa tabang pero karon anaa sa desperado nga panginahanglan tungod sa mga lockdown.
- Pag-ampo alang sa mga tiguwang nga membro nga dili na makadugtong sa ilang mga panimalay atol niining krisis. Iampo kadtong mga nakigbisog sa dementia ug mga nangalibog pag-ayo atol ning panahona.
- Iampo ang mga kaminyoon nga sa pagkakaran nailalum sa sobra nga presyur. Iampo ang mga nakigbisog nga mga bana o asawa nga makakaplag og kaayohan, tabang ug pagpaubos samtang sila magtutok kang Jesus.



## **Adlaw 46 – Tutok sa Pag-ampo - Lunes, Mayo 11, 2020**

### **Ang Gugma ni Jesus**

*“Sama sa paghigugma kanako sa Amahan, ako sa ingon nahigugma kaninyo; pabilin kamo diha sa akong gugma.” – Juan 15:9*

*“Kon maluwas unya sa gingharian sa Dios, ako mamahimong magmakanunayon sa pag-ila og bag-ong mga kalalumon diha sa plano sa kaluwasan. Tanan sa mga tinubos nga balaan motan-aw ug motamod, sigon gayud nga wala pa sa una, sa gugma sa Amahan ug sa Anak, ug ang mga awit sa pagdayeg mobuto gikan sa mga walay kamatayon nga mga dila. Siya nahigugma kanato, Siya naghatag sa Iyang kinabuhi alang kanato. Uban sa mga lawas nga hinimaya, uban ang gipadaku nga kapasidad, uban sa mga kasingkasing nga giputli, uban sa mga ngabil nga wala mahugawi, kita manag-awit sa mga bahandi sa nagatubos nga gugma.” – Letter 27, 1890*

### **MGA PANGUTANA SA KASINGKASING:**

Ang Dios gugma. Siya mao ang Tigpasiugda sa gugma. Wala nay mas putli nga gugma kay sa gugma taliwala sa KaDiosan. Kon si Jesus nahigugma kanato sigon ka daku sa paghigugma sa Amahan kang Jesus, unsa pa kahay mas maanindot pa kay sa uban Kaniya diha sa tibuok nga kauyonan? Ang gugma ni Jesus walay makatandi!

Aduna bay mga butang karon sa imong kinabuhi nga imong gihigugma nga mas labaw pa kay kang Jesus? Aduna bay butang nga nakapadani sa mga pagbati sa imong kasingkasing? Hangyoa si Jesus sa pagsilsil kanimo sa hingpit nga gugma diini ikaw gihigugma Niya. Nganong dili mo pilion karon sa pagdawat niini nga gugma pasulod sa imong kasingkasing ug himoon kini nga ang kinatas-ang katuyoan alang sa imong paglakaw sa pagtoo?

### **MGA TAHO SA PAGDAYEG:**

- Ang uban nga mga nasud ug pipila nga mga estado sa Estados Unidos nagsugod na sa pag-abli pag-usab sa mga negosyo (may mga gidili pa).
- Ang COVID-19 nga kadaghanon ug mga gidaghanon sa kamatayon murag nagtikaubos na kay sa una nga ginabana-bana.

### **MGA HANGYO SA PAG-AMPO:**

- Iampo ang nagkadaiyang mga gambalay nga proyekto sama sa mga simbahan ug tulonghaan palibot sa kalibutan. Iampo ang padayon nga sakripisyo sa paghatag ug pagkamatud-anon diha sa mga ikapulo ug halad.
- Iampo ang mga isla sa Saint Vioncent ug ang sa Grenadines nga nanag-atubang og usa sa pinakangil-ad nga mga huraw way labot sa pandemia. Pag-ampo og ulan, ug mga panalangin sa Dios sa misyon sa mga lokal nga iglesia.
- Iampo ang mga membro nga gipanghampak sa kahadlok atol ning maong krisis.
- Pag-ampo og pag-aninag diha sa pagsabot sa kalahian tali sa pagtuman sa mga balaod alang sa kalimpyo nga gibandilyo sa pangagamhanan ug sa pagpatuman sa mene nga pagsimba.



## **Adlaw 47 – Tutok sa Pag-ampo - Martes, Mayo 12, 2020**

### **Ang Pagtoo ni Jesus**

*“Ania niini ang agda alang sa pagkamaintuson sa mga balaan, sa mga nanagbantay sa mga sugo sa Dios ug sa tinoohan ni Jesus.” – Pinadayag 14:12*

*“Ang pagtoo diha sa abilidad ni Cristo sa pagluwas kanayo nga makusganon ug sa bug-os ug sa katibuk-an mao ang pagtoo ni Jesus.” – 3SM 172.3*

#### **MGA PANGUTANA SA KASINGKASING:**

Kita nanagpuyo na sa kataposang mga adlaw. Karon mao na ang panahon, nga mas labaw gayud unta, diin ang kinatas-ang pagsalig diha sa abilidad sa Dios sa pagtadlas sa tanan maoy gikinahanglan! Si Jesus nagsangkap sa Iyang kinabuhi, kamatayon, pagkabanhaw ug Iyang Pulong sa Iyang mga saad ug mga mando alang kanimo. Siya nanumpa sa Iyang kaugalingon alang sa buhat sa pagluwas kanimo. Kahibulongan, dili ba?

Nagtinguha ka ba sa pagtuo sa matud-anon niini ug nagdawat niini nga katinuoran uban sa makapausab nga mga sangpotanan niini sulod sa imong kinabuhi? Gusto ba nimo si Jesus magkuha sa imong diyutay, luya nga pagtoo ug usbon kini ngadto sa usa ka dili-matarug nga pagtoo? Nganong dili Siya hangyoon sa pagbuhat niini nga buhat diha kanimo sigon sa imong pagsunod sa Iyang kabubut-on adlaw-adlaw?

#### **TAHO SA PAGDAYEG:**

- Makapadasig paminawon unsa ka daghan sa atong mga simbahan, mga pastor, mga tigulang, ug uban pang mga membro ang mamugnaon ug nagahimog pagsimba, pagnag-uban ug mga oportunidad sa pag-ampo alang sa ilang mga lokal nga membro sa online pirmi. Kini mamahimong usa ka dakung benipisyo ngadto sa iglesia sa atong pag-isdog sa unahan. Kini nakapahunahuna kanato diha sa bag-o ug positibo nga mga pamaagi unsaon sa pag-abot niadton anaa sa atong palibot nga nanginahanglan ni Jesus.



### **MGA HANGYO SA PAG-AMPO:**

- Iampo ang nakadaiya nga mga proyekto sa misyon ug mga pagpangwali diha sa North Sulawesi, Indonesia.
- Iampo ang mga Adventistang estudyante diha sa Cairo, Egipto nga nakigbisog sa pagkadawat og mga donasyon sa pagkaon gikan sa mga membro tungod sa piho nga mga lokal nga mga pagdili.
- Iampo ang mga maisug nga membro diha sa Amihang-kasadpan nga rehiyon sa Nigeria nga nanagpatuboy sa mensahe sa evangelio bisans sa mga kapeligroso gikan sa mga teroristang grupo, mga bandido ug kriminal nga aktibo kaayo niana nga teritoryo.
- Iampo ang mga estudyante sa Pilipinas nga nanag-atubang og mga isyu nahanungod sa mga klase sa Adlawng Sabado tungod sa mga bag-ong eskedyul atol sa pandemia.



## **Adlaw 48 – Tutok sa Pag-ampo - Miyerkoles Mayo 13, 2020**

### **Ang Presensya ni Jesus**

*“Ngani suginlan ko kamo sa tinuod, nga maayo alang kaninyo nga mopahawa ako, kay kon dili ako mopahawa ang Manlalaban dili moanha kaninyo; apan kon mopahawa ako, siya akong ipadala kaninyo.” – Juan 16:7*

*“ug tan-awa, ako magauban kaninyo sa kanunay hangtud sa katapusan sa kapanahonan.” – Mateo 28:20*

*“Gikan karon pinaagi sa Espiritu, si Cristo magpuyo kanunay diha sa mga kasingkasing sa Iyang mga anak. Ang ilang panaghiusa Kaniya mas nunot kay sa dihang Siya personal pa nga uban kanila. Ang kahayag, ang gugma, ug ang gahum sa pagpuyo ni Cristo nagadan-ag pianagi kanila, aron nga ang katawhan, nga motan-aw kanila, ‘nahibulong; ug unya ilang naila nga kini sila mao ang nagpakigkauban kang Jesus.’ Buhat 4:13” –Steps to Christ, p. 74.1*

### **MGA PANGUTANA SA KASINGKASING:**

Nakapangandoy ka na ba nga buhi atol sa panahon nga si Jesus ania pa sa Yuta? Sa paglakaw ug pakigsulti Kaniya? Ang gamhanang kab-utnon sa evangelio mao ang paghatag kanimo og usa ka butang nga mas maayo! Si Jesus buot magpuyo sulod kanimo, magahimo kanimong sama Kaniya pinaagi sa makapausab nga ministeryo sa Balaang Espiritu. Nakahangyo ka na ba ni Jesus sa pagbautismo kanimo uban sa Balaang Espiritu aron nga ang Iyang presensya bation ug makita diha kanimo? Si Jesus nag-asoy kanato sa pagpangutana alang sa gasa sa Iyang Espiritu matag adlaw (Lucas 11:13). Nganong dili dapiton si Cristo sa pagpuyo sulod kanimo pinaagi sa Iyang Espiritu karon dayon?

### **TAHO SA PAGDAYEG:**

- Daghan kaayo, daghan palibot kanato nga abli ug madinawaton sa atong pagsaksi ug pagpanabot sa Kasulatan tungod niini nga krisis. Dalaygon ang Dios nga Siya nagaluwas sa daghan alang eternidad uban Kaniya atol ning kamatay!



### **MGA HANGYO SA PAG-AMPO:**

- Iampo ang tagsatagsa ka tawo sa pakigharon sa panglupig ug pangbugkot sa demonyo. Iampo nga sili mahigawas gikan sa gahum ni Satan. Iampo ang ilang mga panimalay, hilabina ang kabataan kansang mga ginikanan maoy naapektohan.
- Iampo ang nilibo nga mga bag-ong grupo ug mga simbahan nga gipananum palibot sa tibuok kalibutan sa pagpabilin nga kusgan ug madasigon bisan sa krisis karon.
- Iampo ang mga pastor ug mga pangulo sa iglesia diha sa mga nasud nga may kabus kaayo nga mga tambalanan.
- Iampo ang mga Adventistang estasyon sa radio palibot sa kalibutan, nagaabot sa mga wala pa maabot.



## **Adalaw 49 – Tutok Sa Pag-ampo - Huebes, Mayo 14, 2020**

### **Ang Kalooy ni Jesus**

*“Puno sa gracia si Jehova, ug matarung; Oo, maloloy-on ang atong Dios. .” – Salmo 116:5*

*“Ang mga kalag nga mingduol ni Jesus mibati diha sa Iyang presensya nga bisan alang kanila atua ang pag-eskapo gikan sa bung-aw sa sala. Ang mga Fariseo may panghimaraut lamang ug pagkondena alang kanila; apan si Cristo nagtimbaya kanila ingon nga mga anak sa Dios, hinoon nahilayo gikan balay sa Amahan, apan wala makalimti sa kasingkasing sa Amahan. Ang ilang labing kaalaot ug sala naghimo kanila lamang nga mas labi nga mga puntarya sa Iyang kalooy. Ang ka mas layo sila nga nangahisalaag gikan Kaniya, ang ka mas maikagon ang pangandoy ug ang ka mas daku ang sakripisyo alang sa pagluwas nila.” – COL 186.2*

### **MGA PANGUTANA SA KASINGKASING:**

Ang grasya sa Dios alang kanato maoy usa ka laktud nga resulta sa Iyang dakung kalooy alang sa tanan nga nanag-antus ilalum sa sala ug sa mga sangpotanan niini. Ang pagkaamgo sa Iyang kalooy diha kanimo, sigon sa gipadayag diha kang Jesus, unsay nakapababag kanimo sa pagduol Kaniya, sigon kon kinsa ka man, ug sa pagtugyan sa mga mangitngit nga kanto sa imog kinabuhi ngadto Kaniya, karon? Si Jesus nakasabot sa imong mga lulan, pakigbisog, ug mga tentasyon. Siya mas mawilihon sa pagtabang, sa pag-ayo, sa pagpasaylo, sa pagptuboy, ug sa pagpalig-on kanimo. Tugotan ba nimo ang Iyang gugma, grasya ug kalooy sa pagtunaw sa bisan unsa nga pagsukol o walay-pagpanumbaling nga imong gibati karon Kaniya?

### **TAHO SA PAGDAYEG:**

- Daghang mga Adventista ug uban pang mga Cristiano ang nakaamgo nga kita hilabihan ra ka hayahay ug nanagpadagan sa atong mga iglesia sa hilabihan nga pagkatinawhanon. Kita nanginahanglan og usa ka pagpukaw nga tawag sa pagtabang kanato sa pagkinabuhi sa kinabuhi sa pagtoo, pag-ampo, ug mga milagro sama sa gibuhay sa unang iglesia diha sa Buhat. Niadtong panahona ang mga magtutuo walay kwarta, walay grado, walay mga gambalay o institusyon, apan tungod sa kalisud ug bisan sa mga paglutos ug pinaagi sa presensya ug gahum sa Balaang Espiritu sila

nagpausab sa kalibutan ug nagwali sa maayong balita ngadto sa tibuok kalibutan sulod sa pipila ka mga tuig.

**MGA HANGYO SA PAG-AMPO:**

- Iampo ang mga simbahan diha sa Jamaica. Iampo ang mga membro nga nanagharon karon og kalisud sa paninapi ingon man ang mga estap ug mga pasyente sa Andrews Memorial Hospital atol ning maong krisis.
- Iampo ang mga membro ug mga membro sa panimalay nga nakigbisog sa mga adiksyon sa pagtan-aw ug mahilas nga talan-awon, ilimnon nga makahubog, asukar, mga salida, mga musika, ug uban pang mga butang ug mga kagawian. Iampo sila sa pagbaton og kadaugan diha kang Cristo.
- Iampo ang Windhoek South Church sa Namibia nga nagsulay-sulay sulod sa napulo ka tuig sa pagdawat og pagtugot sa pagpalit og yuta sa pagtukod og usa ka simbahan alang kanila nga ilang matiguman.
- Iampo ang Adventista nga panadera didto sa Gränna, Sweden, nga makaabot sa daghang katawhan diha sa ilang ciudad uban ang mensahe sa maayong balita.